

仁宗睿皇帝實錄(三)

卷一五六至卷二二三
嘉慶十一年至十四年

清實錄

第三〇冊

中華書局影印

清實錄第三〇冊目錄

仁宗睿皇帝實錄(三)

卷一五六	嘉慶十一年正月	三二九五
卷一五七	嘉慶十一年二月	三三一
卷一五八	嘉慶十一年三月	三三三五
卷一五九	嘉慶十一年四月	三三四一
卷一六〇	嘉慶十一年五月上	三三六〇
卷一六一	嘉慶十一年五月下	三三七〇
卷一六二	嘉慶十一年六月上	三三八九
卷一六三	嘉慶十一年六月下	三四〇五
卷一六四	嘉慶十一年七月	三四一六
卷一六五	嘉慶十一年八月	三四三五
卷一六六	嘉慶十一年九月上	三四五三
卷一六七	嘉慶十一年九月下	三四六八
卷一六八	嘉慶十一年十月上	三四八〇

卷一六九	嘉慶十一年十月下	三四八八
卷一七〇	嘉慶十一年十一月上	三五〇三
卷一七一	嘉慶十一年十一月下	三五一六
卷一七二	嘉慶十一年十二月	三五三一
卷一七三	嘉慶十二年正月	三五五二
卷一七四	嘉慶十二年二月上	三五六五
卷一七五	嘉慶十二年二月下	三五八八
卷一七六	嘉慶十二年三月	三五六六
卷一七七	嘉慶十二年四月上	三六六六
卷一七八	嘉慶十二年四月下	三六二七
卷一七九	嘉慶十二年五月上	三六三九
卷一八〇	嘉慶十二年五月下	三六五八
卷一八一	嘉慶十二年六月上	三六七一
卷一八二	嘉慶十二年六月下	三六八七
卷一八三	嘉慶十二年七月	三六九七
卷一八四	嘉慶十二年八月	三七一五
卷一八五	嘉慶十二年九月	三七四四

卷一八六 嘉慶十二年十月

三二七四二

卷一八七 嘉慶十二年十一月上

三二七六一

卷一八八 嘉慶十二年十一月下

三二七五

卷一八九 嘉慶十二年十二月上

三二七六

卷一九〇 嘉慶十二年十二月下

三二八〇〇

卷一九一 嘉慶十三年正月

三二八一四

卷一九二 嘉慶十三年二月

三二八二六

卷一九三 嘉慶十三年三月

三二八三九

卷一九四 嘉慶十三年四月

三二八五二

卷一九五 嘉慶十三年五月

三二八六五

卷一九六 嘉慶十三年閏五月

三二八八二

卷一九七 嘉慶十三年六月

三二八九九

卷一九八 嘉慶十三年七月上

三二九一〇

卷一九九 嘉慶十三年七月下

三二九三一

卷二〇〇 嘉慶十三年八月

三二九四三

卷二〇一 嘉慶十三年九月

三二九六一

卷二〇二 嘉慶十三年十月

三二九八〇

卷二〇三 嘉慶十三年十一月

三二九九六

卷二〇四 嘉慶十三年十二月上

三三〇一五

卷二〇五 嘉慶十三年十二月下

三三〇二七

卷二〇六 嘉慶十四年正月

三三〇三七

卷二〇七 嘉慶十四年二月

三三〇五六

卷二〇八 嘉慶十四年三月

三三〇七六

卷二〇九 嘉慶十四年四月上

三三〇九四

卷二一〇 嘉慶十四年四月下

三三一〇一

卷二一一 嘉慶十四年五月上

三三一一八

卷二一二 嘉慶十四年五月下

三三一三三

卷二一三 嘉慶十四年六月上

三三一四八

卷二一四 嘉慶十四年六月下

三三一五七

卷二一五 嘉慶十四年七月上

三三一七二

卷二一六 嘉慶十四年七月下

三三一八三

卷二一七 嘉慶十四年八月

三三二〇二

卷二一八 嘉慶十四年九月

三三二一〇

卷二一九 嘉慶十四年十月

三三二三七

卷二二〇 嘉慶十四年十一月上 三三五七

卷二二一 嘉慶十四年十一月下 三三七三

卷二二二 嘉慶十四年十二月上 三三八三

卷二二三 嘉慶十四年十二月下 三三九一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百五十六

皇帝親臨官廳自講起居注官李之翰武英殿學士謝開道等撰錄奏 上諭事仲慶管理戶部事務翰林院掌院學士謝開道等撰錄奏 上諭事仲慶管理戶部事務翰林院掌院學士謝開道等撰錄奏 上諭事仲慶管理戶部事務翰林院掌院學士謝開道等撰錄奏

加級母常加四級費儀備錄載官李本保是謝開道學士謝開道等撰錄奏 上諭事仲慶管理戶部事務翰林院掌院學士謝開道等撰錄奏 上諭事仲慶管理戶部事務翰林院掌院學士謝開道等撰錄奏

閣議事仲慶管理戶部事務翰林院掌院學士謝開道等撰錄奏 上諭事仲慶管理戶部事務翰林院掌院學士謝開道等撰錄奏 上諭事仲慶管理戶部事務翰林院掌院學士謝開道等撰錄奏

軍機處管理戶部事務翰林院掌院學士謝開道等撰錄奏 上諭事仲慶管理戶部事務翰林院掌院學士謝開道等撰錄奏 上諭事仲慶管理戶部事務翰林院掌院學士謝開道等撰錄奏

深日始經議官李本保是謝開道學士謝開道等撰錄奏 上諭事仲慶管理戶部事務翰林院掌院學士謝開道等撰錄奏 上諭事仲慶管理戶部事務翰林院掌院學士謝開道等撰錄奏

敕修

嘉慶十一年丙寅春正月己酉朔

實錄卷一百五十六

上詣

奉先殿行禮○詣

堂子行禮○遣官祭

太廟後殿○御太和殿受朝作樂宣表如儀○

詣

大高殿

壽皇殿行禮○御乾清宮賜皇子親藩等宴○

辛亥

高宗純皇帝忌辰遣官祭

裕陵

上詣

奉先殿

壽皇殿行禮○諭內閣前據佶山奏稱督臣鐵

保於江蘭呈懇捐備撫卹銀三萬兩先將兩

淮運庫應存江正大名下衆商津貼銀一萬

九千餘兩提出備用一事並未詳察咨詢執

行專札提取事屬近於專擅又稱鐵保前經

奏明收受泰壩永豐壩兩處公費銀二萬兩

以備公需隨經諭令運司按引扣費二分計

多派銀一萬三千兩又因高堰隄工飭令運

司分派鹽屬各員派捐銀二萬兩鐵保亦未

經奏及並據奏稱查勘鮑營河運鹽徑捷挑

挖深通實於運務有益勘畢後即委員估計

動工各等語鐵保於地方應辦各事關涉鹽

務者何以未經奏明又未咨會鹽政當經降

旨申飭並諭令明白回奏茲據鐵保覆奏江

蘭捐備撫卹並非現交銀兩具呈時指有運

庫應領銀一萬九千餘兩餘銀設措湊繳。因係一面之詞。不得不先札運司查明再行入告。嗣據查覆並無此項銀兩。是以未經具奏。其泰壩永豐壩引費係照向例辦理。並無按引扣費情事。且鹽包過壩先後不齊。公費盈絀無定。鐵保任內祇收銀一萬四千兩。尚不及原奏二萬兩之數。又高堰石工。令鹽屬人員幫辦一節。先經汪志伊咨會鹽政檄據運司議詳。幫銀二萬兩。嗣因石工改為輟工。經運司以應否停捐。請示鐵保。批令稟候鹽政示遵。經鹽政批駁不准。均有案卷可查等語。是鐵保於佶山所奏各款。並無專擅隱飾情弊。辦理尚無不合。即江蘭指稱存銀一項。係屬自請捐辦之事。亦可無庸置議。至挑挖鮑營河。本係應行會商。督臣河臣辦理之事。前據佶山奏稱。勘畢後即委員估辦。目無總督。當經降旨嚴飭。諭令明白回奏。茲據鐵保奏稱。佶山曾擬挑挖鮑營河奏稿。囑其會銜鐵

保以南河各工現當緊要。鹽河較可稍緩。札覆暫停開挖。佶山並未再商。即單銜具奏等語。是佶山於改挖鹽河一事。既經咨商該督。乃於鐵保札覆緩辦之後。並未再行商酌。輒即單銜具奏。又未將鐵保札覆緩辦一節。敘入實屬專擅。除將鮑營河應否開挖之處。另諭鐵保等查辦外。佶山著交部議處。○壬子。上御重華宮。茶宴廷臣及內廷翰林。以書福聯句。命大學士會同刑部查辦大辟以下至徒杖各罪犯。分別減等。諭內閣欽恤庶獄。仁政所先。溯查乾隆十一年。皇考高宗純皇帝曾大沛恩慈。特頒省刑。諭旨朕仰承。皇考付託之重。自嘉慶元年。授璽大廷。敬聆訓政。迨四年親政後。恪遵

成憲夙夜孜孜以愛育黎元為念適值勦辦三省邪匪廓除淨盡嘉與薄海蒼生共享昇平休養生息此實仰賴

吳蒼春佑

列聖貽庥俾臻康乂茲當紀年開泰著加恩遵照乾隆十一年之例所有刑部及各省已經結案監禁人犯除情罪重大及常赦所不原者無庸查辦外其餘著大學士會同刑部酌量案情輕重分別請旨減等發落其軍流徒

杖以下人犯一併分晰減等完結俾霑寬宥之恩勉圖自新之路以副朕錫福兆民至意諭軍機大臣等玉德奏稱蔡逆暨旗滋事自稱鎮海王於上年十一月二十三日搶入鳳山縣城經官兵攻散後賊船復駛入鹿耳門在府城外登岸劫擄並勾結嘉義縣匪徒洪四老等乘機滋事等語玉德久任總督查辦有年摺內謂該逆在洋稽誅十餘年皆因亡命走險試問此十餘年來誰司緝捕之責

任其亡命走險至此乎此時賊勢鴟張不得不大加懲辦所有軍火糧餉器械船隻等項照軍興例動帑經理一切均責成該督不可稍有貽誤並傳知水陸文武各員弁有能將蔡逆擒獲者朕必重加恩賞再行曉諭臺灣士民悉力堵禦留心盤詰一面懸立賞格俾知奮勉將此傳諭知之○又諭賽沖阿久歷行陣於勦捕事宜素為諳練現發去欽差大臣關防一顆交該將軍行用不拘何處接奉

此旨即由該處馳驛前赴閩省玉德現駐之常武海口於該督豫備兵力內擇精練強壯者帶領放洋悉力督勦該處提鎮自李長庚許文謨以下各將弁均受該將軍節制調撥再臺灣遠隔重洋風濤靡定特發去大藏香五枝著賽沖阿敬詣

天后宮代朕虔禱以期仰叩

神佑又福康安平定林爽文時攜帶大利益吉祥右旋螺往來渡海風帆順利茲亦發交

賽冲阿祇領帶往渡洋以資護佑俟凱旋日
派大員齋送回京供奉將此諭令知之○山
西巡撫同興奏太平縣捐職郎中王濡翰等
捐銀煮賑得旨嘉獎下部議敘○貸直隸宛
平固安永清東安雄任邱邢臺七縣被水被
旱災民籽種口糧○緩徵山東博興高苑淄
川齊東濱憲化蒲臺臨淄濰城章邱鄒平長
山新城惠民陽信海豐利津青城樂安壽光
二十州縣被旱災民新舊額賦並貸籽種倉
穀○展賑河南新鄉汲輝獲嘉河內濟源修
武武陟上蔡九縣被水被旱災民有差並貸
籽種口糧倉穀貸淇原武林陝靈寶閿鄉六
州縣被旱災民籽種口糧倉穀○展賑山西
臨汾襄陵洪洞浮山太平岳陽曲沃翼城汾
西吉鄉寧永濟臨晉榮河猗氏萬泉虞鄉解
安邑夏平陸芮城絳州河津聞喜稷山絳縣
垣曲霍趙城靈石三十一州縣被旱災民並
緩徵新舊額賦○貸陝西三水澄城蒲城郃

陽耀高陵延長淳化乾武功三原白水郃涇
陽同官醴泉鳳翔岐山扶風潼關華陰咸陽
永壽長武興平膚施宜川吳堡安定延川三
十廳州縣被旱災民倉糧○貸甘肅皋蘭平
番西寧碾伯大通巴燕戎格龍西寧遠伏羌
通渭西和靜寧環十三廳州縣及東樂縣丞
所屬被水被旱災民籽種口糧○展賑江蘇
山陽阜寧鹽城清河桃源高郵泰東臺江都
甘泉興化寶應十二州縣被水災民○貸安
徽鳳陽懷遠鳳臺壽泗天長五河宿南平蒙
城十廳州縣及鳳陽長淮泗州三衛被水被
旱災民籽種○貸湖南澧州屬黃絲等二十
一境被水災民種麥工銀○癸丑
上御紫光閣賜蒙古王貝勒貝子公額駙台吉
及外藩使臣等宴並賞賚有差○乙卯
世祖章皇帝忌辰遣官祭
孝陵○
上詣

雍和宮行禮

火神廟拈香 展賑江蘇長洲元和吳三縣
歉收貧民○丙辰諭軍機大臣等臨安府所
屬六猛地方久隸版圖從前安南黎維祁阮
光平時兩次懇請申畫地界俱經駁飭有案
今該國興化鎮目忽遞送傳詞欲其外附實
屬無知妄為伯麟等接據稟報一面飭委鎮
道等將六猛掌寨妥為撫慰嚴諭各邊界加
意巡防并令該掌寨等自行具文先行回覆

越南鎮目一面擬繕照會該國王文稿進呈
所辦皆是阮福映自得國以後恭順輸忱未
必敢冒昧出此此事諒係該鎮目所為應交
該國王嚴行懲辦已命軍機處於原擬照會
內添敘發往該督等接奉後著即照繕如式
由廣西省轉遞該國仍飭該處鎮道等凡與
越南接壤之處嚴密防範并嚴諭六猛掌寨
毋許越南夷人偷串入境俟該國接奉照會
之後如何申覆即由驛奏聞又孟連土司刀

派功被戕失印一案暹羅緬甸向俱恭順天
朝此時伊二國構衅之後暹羅雖尚在九龍
江外留劄兩營緬甸頭人亦有赴阿瓦城調
兵之事但外夷蠻觸相爭與天朝全無干涉
總可不必過問今緬甸頭目以刀派功被戕
為詞懇請內地興兵前往自應加以駁飭至
孟連土司所失印信不能置之不問現在伯
麟等飭令兩國頭人代為尋覓自應如此但
祇係土司印信或當時爭殺倥傯不知遺棄

何處過後不能尋查是亦情事所有亦尚非
關繫緊要如數月後該二國不能尋獻即據
實奏明不妨另行鑄給也將此諭令知之○
丁巳命查辦免死改遣罪犯分別減釋諭內
閣向來免死改遣吉林黑龍江及伊犁烏魯
木齊等處人犯為常赦所不原者終身不能
援減釋回此等案犯率皆桀驁不馴之徒歷
年遣發日聚日多該犯等自知永無生還之
望慙不知畏轉於配所三五成羣或犯法滋

事或脫身潛逃均所不免。因思各該犯內情罪亦有不同。除特旨發遣不准減免各犯外。其餘照例改遣之犯。莫若定以到配年限及本犯年歲為斷。伊等到配年久。漸加約束。即素性獷悍。而垂老餘生。諒不至如少年好勇鬪狠之習。似可量加寬宥。予以自新。著刑部堂官檢覈例案。叅勘情罪。將此等人犯。如何立定期限。分別減等。或改發內地。或釋回原籍。俾歸平允之處。悉心妥議具奏。以示朕法。

外施仁至意。尋議奏吉林黑龍江等處發遣官犯。本屬無多。應請亦照發遣新疆官犯之例。令該將軍都統等將由革職杖徒發往之犯。三年奏請。由軍流發往之犯。十年奏請。屆期詳敘案由。分別奏請定奪。其發遣吉林黑龍江等處常犯。如強盜免死。大逆緣坐。叛案干連邪教會匪。及臺灣聚眾搶奪殺人放火。為從各犯。均係情罪重大。雖在配年久。年歲垂老。均不准其減釋。其餘各項遣犯。應請不

論當差為奴。均擬以在配十五年實係安分守法。而又年至七十歲。及年已七十安分守法。而在配未滿十五年者。俱准其釋回。如在配已滿十五年安分守法。而年未至七十歲者。減為內地充徒三年。再行釋放。至伊犁烏魯木齊等處。在配官犯。本係十年三年分別奏請。無庸另議。外其發遣烏魯木齊等處常犯。如大逆緣坐。叛案干連。邪教會匪。及臺灣聚眾搶奪殺人放火為從。凡係原案不准入廠之犯。雖在配年久。年歲垂老。均不准減釋。其餘各項遣犯。請將為奴一項內。未經入廠。及止令種地。不准為民之犯。擬以在配二十年安分守法。而又年至七十歲。及年已七十年安分守法。而在配未滿二十年者。即行釋回。如在配已滿二十年安分守法。而年未至七十歲者。減為內地充徒三年。再行釋放。其當差一項內。無力入廠種地為民。及為奴一項內。入廠年滿。不准留廠。止准為民各犯。擬

以在配十五年安分守法而又年至七十歲及年已至七十歲安分守法而在配未滿十五年者即行釋回如在配已滿十五年安分守法而年未至七十歲者減為內地充徒三年再行釋放其現在入廠期滿准其留廠各犯如年已至七十歲按其例定十年十二年期限酌減三年准予釋回未至七十歲者仍照留廠年限辦理以上吉林伊犁等處准減之犯若在配年限未滿而又年未至七十歲

者統俟扣滿年限再按年歲分別充徒釋回如各犯內有自安生業不願回籍者仍聽其自便從之○又諭前因那彥成在粵東辦理洋匪種種錯誤並有與藩司廣厚看戲飲酒之事當經降旨將那彥成廣厚解任交吳熊光詳訊具奏茲據吳熊光具奏訊取那彥成廣厚親供據實參奏令那彥成廣厚自行進京候旨等語朕細覈所奏情節那彥成初任兩廣總督時原銳意肅清洋面分派水師官

兵出洋巡緝以致沿海各口岸守備空虛嗣因盜劫頻聞水師官兵又不能得力遂廣行間諜出示招撫有具報投誠者不加查訊即給予頂帶銀兩先後投首人犯計有五千數百餘名之多實屬師心自用試思海洋盜匪劫掠不法原應督飭文武上緊緝拿嚴辦方足以懲奸宄而靖海疆今那彥成倡為招撫祇圖多一投誠即少一劫盜殊不知此端一開則武職憚於冒險出洋藉避風濤必致日

漸疏懈文職以招致盜犯得邀上官嘉獎亦所樂從不惟地方捕務從此廢弛即兵民等目覩洋盜擄掠傷人不旋踵而賞給銀兩頂帶以致交相含怨物議沸騰那彥成辦理失當之咎實在於此幸而此五千數百名投首之犯尚俱安靜帖服那彥成尚無大罪至設立軍工局一節那彥成因盜案繁多亟思審出真情因從前原有軍工廠是以設立軍工局派員經理那彥成嗣亦自知所辦非是旋

即裁撤其餘如看戲飲酒等事雖訊問屬實猶其過之小者此外亦並無婪索營私款跡那彥成素日自謂才具過人不肯虛衷是其受病之處前在陝省督辦軍務未能妥協微令回京降職未及數年復經朕特恩棄瑕錄用擢授封疆並疊次諄諄訓誡至再至三乃竟未能悛改舊習虛心任事實屬有負朕教誨成全之意姑念並無別項劣跡招降盜匪等亦並無滋事之處尚可畧加寬宥不至罷

斥治罪廣厚於那彥成招撫設局等事訊無愆憑情事但伊身任藩司與那彥成近在同城並不阻止且有與那彥成飲酒看戲之事亦有不合除另降清字諭旨將那彥成廣厚派往新疆辦事外所有伊二人獲咎緣由特諭中外知之○調吏部左侍郎托津為戶部左侍郎轉吏部右侍郎玉麟為左侍郎調理藩院左侍郎和寧為吏部右侍郎工部左侍郎蘇楞額為戶部右侍郎戶部左侍郎那彥

寶為工部左侍郎以內閣學士英和為理藩院左侍郎○調正白旗漢軍副都統瑚素通阿為鑲黃旗滿洲副都統以庫車辦事大臣阿爾綢阿為正白旗漢軍副都統○降兩廣總督那彥成藍翎侍衛為伊犁領隊大臣廣東布政使廣厚三等侍衛為庫車辦事大臣○展緩江蘇江寧揚州淮安徐州海五府州屬並淮安徐州大河三衛節年額賦有差○戊午享

太廟命

皇次子曼圖恭代行禮○遣官祭

太歲之神○諭內閣據襄行簡奏直隸舊有千里長隄自乾隆三十七年大加培築之後已閱三十餘載其新舊格淀隄自乾隆十年二十二年增築以來亦久未辦理現在隄工卑薄處所多被衝刷河水淤塞各水縱橫四注平野不可不亟講疏築請先撥帑銀四十萬兩趕緊興修仍於蘆商本年鹽價內每斤

酌增制錢一文以贏餘所入之數補工程撥用之需等語。直隸千里長隄及新舊格淀隄兩項工程年久塌卸附近民田多成巨浸自不可不講求疏築俾需樂利。但如裹行簡摺內所稱在於蘆商鹽價內每斤酌增錢文以資撥用此則不可。鹽斤加價一事原為卹商起見。從前閒因商力疲乏錢價過賤暫時准行。但究屬病民非可引以為例。屢經降旨飭禁。此時辦理工程與商人全無干涉。伊等有

何賠累之處。轉欲藉此增加鹽價乎。朕於民生利賴之舉即多費帑金從無靳惜。所有此項隄工需銀約四十萬兩。即著撥動正帑交戶部查明在於長蘆鹽課項下酌撥應用。若該處課項不敷並著另行籌撥以資興築各需。該署督惟當督飭承辦工員認真經理確估實銷務期工堅料實。俾小民永資利益。無庸於鹽務中屑屑籌費為也。○署直隸總督裹行簡奏永定河南北兩岸俱有新生險工

請將下游工平之三角淀屬北隄九工武清縣主簿移駐北岸頭工作為上汛原移上汛武清縣縣丞作為中汛原設下汛宛平縣主簿仍為下汛其北九工汛務即歸於北七八工兩汛分管其分撥河兵另建衙署俱請照例辦理從之。

上以次辛祈穀於

上帝自是日始齋戒三日○庚申

上詣

南郊齋宮齋宿○辛酉祈穀於

上帝

上親詣行禮○辛圓明園○詣

安佑宮行禮○御山高水長賜王公大臣蒙古

王貝勒貝子公額駙台吉及外藩使臣等食

至甲子皆如之○壬戌

上御奉三無私殿賜皇子親藩等宴○以工部

左侍郎那彥寶為直隸泰寧鎮總兵官兼總

管內務府大臣調理藩院左侍郎英和為工

部左侍郎轉理藩院右侍郎玉寧為左侍郎。以內閣侍讀學士特克慎為理藩院右侍郎。○調正紅旗漢軍副都統和寧為鑲藍旗滿洲副都統。以工部左侍郎英和兼正紅旗漢軍副都統。○以烏什辦事大臣晉昌為喀什噶爾叅贊大臣。賞直隸泰寧鎮總兵官范建豐副都統銜。為烏什辦事大臣。○癸亥。

上詣

安佑宮行禮。○御正大光明殿賜朝正外藩等

宴。作樂賜酒。如除夕儀。○甲子。

上御正大光明殿賜大學士尚書等宴。○乙丑。諭內閣近來八旗子弟往往沾染漢人習氣。於清語騎射不肯專心練習。拋荒正業。甚至私去帽頂。在外遊蕩。潛赴茶園戲館飲酒滋事。實為惡習。此案佟關保弟兄三人均係職員。因與同旗之海德交好。前往探望。並不戴用帽頂。即係欲肆意閒遊。為此行徑。迨海德款留酒飯。理應飯罷早歸。佟關保係屬長兄。

尤應身先倡率。乃輒同伊弟等飲入醉鄉。直至傍晚趕城已屬非是。門領門軍等職司禁鑰稽察是其專責。佟關保等既未戴用帽頂。該門軍等何由知係職官。乃佟關保於門軍向車吆喝時。首先在車裏罵伊弟等亦隨向爭吵。經門領哈福努喝問。佟關保復即下車與之揪扭。吵罵以致擁擠多人。撞倒槍架。扳損官廳。福扇實屬目無法紀。此三人內佟關保之罪尤重。著即照部議發往伊犁充當苦

差。佟林托克托布附和滋事。部議科以徒罪。所擬尚輕。本應一併發遣。惟念該犯等係原任總兵七格之子。七格前在軍營曾有微勞。且近已老病。其長子業已發遣。用特法外施仁。量予寬賞。仍著御前大臣軍機大臣會同刑部堂官監視。將佟關保佟林托克托布各重責四十板。並傳集八旗年輕之侍衛章京司員等一同看視。俾共知儆畏。其佟關保一犯。即行發遣。佟林托克托布二犯。仍著於阜

戒門枷號一箇月滿日釋放交旗管束嗣後八旗官員等如有不戴頂帽在外遊蕩者是既不以職官自待又與平人何異該管地方官員即當查拏究治以示懲戒○又諭前因襄行簡奏良鄉縣盤獲投遞宗人府書信涂中亭一犯解京審辦當派綿恩慶桂董誥祿康戴衢亨長麟會同刑部審擬具奏茲據綿恩等具奏審明涂中亭係湖北窮民妄希富貴將乩判詩句編造成篇擅用黃紙書寫雕

刻木戳印蓋封面欲赴宗人府投遞信內竟敢書寫御名語多狂悖訊無主使及知情同謀之犯請將涂中亭照大逆律凌遲處死等語涂中亭以無業貧民膽敢假託乩判詩詞編造繕寫希圖倖邀官職信內竟敢將御名書寫悖妄已極即照大逆律凌遲處死本係罪所應得姑念該犯所書語句尚無肆逆訛謗之處較之上年安徽逆犯董霖編造逆詞託為夢幻符讖之說偽封官職任意指斥者

尚可量為未減涂中亭著改為斬決並派綿恩等會同刑部將該犯提出加以刑夾後派侍郎金光梯押赴市曹將該犯即行正法○又諭據英和等奏審擬喜峯口外客民劉發旺扎斃驛站章京拉什一摺細覈所奏案情劉發旺因蒙古驛站章京拉什借欠不償反向誣賴復被棍毆情急用刀嚇扎致斃是劉發旺因索欠起釁並非無故逞兇若在內地平民彼此互毆之案尚不至歸入情實今該

犯以口內民人寄居蒙古地方明知拉什身有頂戴係屬職官乃因錢債細故輒敢持刀向鬪一死二傷實屬兇橫劉發旺著改為絞決即在犯事地方正法示懲○丁卯上御山高水長賜王公大臣蒙古王貝勒貝子公額駙台吉及外藩使臣等食○戊辰諭內閣本年新正署直隸總督襄行簡來京慶賀元旦召見時據伊面奏該省千里長隄及格淀隄工年久漸被衝刷河道致有淤塞不可